


ოლიმპიური სპორტის სახეობები

სპორტის უნივერსიტეტი



ბალახის ჰოკეი



- ▶ გუნდური სპორტული თამაში ყვანჭით და მცირე ზომის ბურთით. პარტნიორები ბურთს ყვანჭებით გადასცემენ ერთმანეთს და ასე მიიწევენ მეტოქის კარისკენ. თამაშის მიზანია მოწინააღმდეგის კარის დალაშქვრა და საკუთარის დაცვა.
- ▶ ევროპის ჩემპიონატი კაცთა შორის იმართება 1970 წლიდან, ქალთა შორის 1975-იდან; მსოფლიოს ჩემპიონატი კაცთა შორის 1971-იდან, ქალთა შორის 1974-იდან; ოლიმპიური თამაშების პროგრამაშია: 1908-იდან კაცები, 1980-იდან ქალები.

ფრენბურთი



- ▶ ფრენბურთი (ინგლ. Volleyball < Volley მფრინავი, Ball ბურთი). გუნდური თამაში ბადით ორ ტოლ ნაწილად გაყოფილ მოედანზე. მოთამაშეები ცდილობენ, ბურთი ბადის ზემოთ გადაისროლონ ისე, რომ მოწინააღმდეგის მოედანზე დავარდეს და მეტოქემ მისი მოგერიება ვერ შეძლოს.
- ▶ ევროპის ჩემპიონატი კაცთა შორის იმართება 1948 წლიდან, ქალთა შორის 1949-იდან; მსოფლიოს ჩემპიონატი კაცთა შორის 1949-იდან, ქალთა შორის 1952-იდან; ოლიმპიური თამაშების პროგრამაშია 1964-იდან (კაცები, ქალები).

ხელბურთი



- ▶ ელბურთი (ინგლ. Handball < Hand ხელი, Ball ბურთი). მსოფლიოს მრავალ ქვეყანაში გავრცელებული სპორტული თამაში. პარტნიორები ბურთს მხოლოდ ხელით აწვდიან ერთმანეთს. მოთამაშეთა მიზანია მეტოქის კარის დალაშქვრა და საკუთრის დაცვა.
- ▶ ევროპის ჩემპიონატი კაცთა და ქალთა შორის იმართება 1994 წლიდან, მსოფლიოს ჩემპიონატი კაცთა შორის 1938-იდან, ქალთა შორის 1957-იდან; ოლიმპიური თამაშების პროგრამაშია: 1936-იდან კაცები, 1976-იდან ქალები.

ფეხბურთი



- ▶ ფეხბურთი - (ინგლ. Football, foot –ფეხი, ball – ბურთი). ყველაზე გავრცელებული და პოპულარული გუნდური თამაში. ევროპის ჩემპიონატი კაცთა შორის იმართება 1960 წლიდან, ქალთა შორის – 1984 წლიდან; მსოფლიოს ჩემპიონატი კაცთა შორის – 1930-დან, ქალთა შორის – 1991-დან; ოლიმპიური თამაშების პროგრამაშია : 1900-დან კაცები, 1996 – ქალები.
- ▶ ფეხბურთის მსგავსი თამაშის კვალი ნაპოვნია ძველი აღმოსავლეთის ქვეყნებში (ეგვიპტე, ჩინეთი), ანტიკურ საბერძნეთსა და რომში. 180 წლით დათარიღებულ ბერძნულ ლექსიკონში (პოლუქსი) აღწერილია ბურთით თამაშის ერთ-ერთი ნაირსახეობა: მოთამაშენი 2 გუნდად იყოფოდნენ და ბურთის მეტოქის ნახევარზე გადატანას ცდილობდნენ. თანამედროვე რაგბის მსგავსად ნებადართული იყო ძალისმიერი ილეთები, მაგრამ ხელით თამაში იკრძალებოდა.

ფეხბურთი საქართველოში



- ▶ პირველი დიდი წარმატება დინამოელებმა 1964 წელს იზეიმეს, როცა ტაშკენტში გამართულ "ოქროს მატჩში" 4:1 დაამარცხეს მოსკოვის "ტორპედო" და სსრკ ჩემპიონობა მოიპოვეს. მეორედ "დინამომ" სსრკ ჩემპიონატი მოიგო 1978 წელს, როცა გუნდს ნოდარ ახალკაცი წვრთნიდა. სწორედ ახალკაცის თავკაცობით მოიპოვა ჩვენმა გუნდმა სხვა დიდი წარმატებებიც: 1976 და 1979 წლებში საბჭოთა კავშირის თასი, 1981 წლის 13 მაისს კი ევროპის თასების მფლობელთა თასი. ამ ტურნირის ფინალური მატჩი გაიმართა დიუსელდორფის "რაინშტადიონზე", სადაც "დინამომ" გერმანიის დემოკრატიული რესპუბლიკის "კარლ ცაისი" 2:1 დაამარცხა.

ცურვა



- ▶ ცურვა. სპორტის ერთ-ერთი უძველესი და პოპულარული სახეობა. შეჯიბრება სხვადასხვა დისტანციაზე კროლით (თავისუფალი სტილი), ბრასით, ბატერფლაით (დელფინი) და გულაღმა ცურვაში.
- ▶ ევროპის ჩემპიონატი იმართება 1926 წლიდან, მსოფლიოს ჩემპიონატი 1973-იდან; ოლიმპიური თამაშების პროგრამაშია 1896-დან კაცები, 1912-იდან ქალები.
- ▶ ცურვას ადამიანისთვის უხსოვარი დროიდანვე დიდი პრაქტიკულ-საყოფაცხოვრებო მნიშვნელობა ჰქონდა, უწინარესად თევზაობის, ნადირობისა და მტერთან შეტაკების დროს. ცურვის შორეულ წარსულზე მეტყველებს არაერთი ნივთიერი თუ წერილობითი საბუთი. ზემო ეგვიპტეში ნაპოვნია თიხის ცილინდრული ტვიფარი, რომელზეც გამოსახულია სამეფო ოჯახში ცურვის გაკვეთილის სცენები (ძვ.წ. 3200 წ.).

ტრამპლინიდან თხილამურებით ხტომა



- ▶ ტრამპლინიდან თხილამურებით ხტომა. ზამთრის სპორტის პოპულარული სახეობა, სათხილამურო ორჭიდის ერთ-ერთი დისციპლინა.
- ▶ მსოფლიოს ჩემპიონატები იმართება 1929 წლიდან; მსოფლიოს თასის გათამაშება 1972-იდან. ოლიმპიური თამაშების პროგრამაშია 1924-იდან. ჩაისახა ნორვეგიაში XIX საუკუნის შუა წლებში. პირველი შეჯიბრებები მოეწყო ტელემარკის პროვინციის მთიანეთში. იქვეა რეგისტრირებული პირველი შედეგის 19 მ (1868). პირველი მხტომელები იყვნენ სამთომოთხილამურეები, რომლებიც მთიდან დაშვებისას ბუნებრივი ბორცვებიდან ხტებოდნენ (მოგვიანებით ბორცვები ხელოვნურმა მიწაყრილებმა შეცვალა).

სნოუბორდი



- ▶ სნოუბორდი (ინგლ. Snowboard სიტყვასიტყვ. თოვლის ფიცარი). ზამთრის სპორტის სახეობა, რომელშიც შედის ორი დისციპლინა: სლალომი დათოვლილ ფერდობზე განიერი, არშიიანი თხილამურით (სნოუბორდი) და ე.წ. ჰაფ-პაიფი (ინგლ. Halfpipe ნახევარმილი) დაშვება ნახევარცილინდრულ ლარში აკრობატული ელემენტების შესრულებით.
- ▶ მსოფლიოს ჩემპიონატი იმართება 1996 წლიდან; ოლიმპიური თამაშების პროგრამაშია 1998-იდან.
- ▶ პირველი სნოუბორდი გამოიგონა ამერიკელმა ჯეკ ბარჩეტმა 1929 წელს, ამ სახეობისთვის თანამედროვე ტიპის თხილამური კი ამერიკის შეერთებულ შტატებში XX საუკუნის 60-იან წლებში შეიქმნა.

ციგაობა



- ▶ ციგაობა. ზამთრის სპორტის სახეობა, სწრაფდაშვება სპეციალურ ყინულოვან ტრასაზე ერთი და ორადგილიანი სპორტული ციგებით.
- ▶ ევროპის ჩემპიონატი იმართება 1914 წლიდან, მსოფლიოს ჩემპიონატი 1955-იდან; ოლიმპიური თამაშების პროგრამაშია 1964-იდან.
- ▶ ლიტერატურულ წყაროებში ციგა მოიხსენიება შუა საუკუნეებიდან, ხოლო ცნობები მოციგავეთა პირველი შეჯიბრებების შესახებ XIX საუკუნის შუა ხანებს განეკუთვნება.

სამთო თხილამურობა



- ▶ სამთო თხილამურობა. ზამთრის სპორტის პოპულარული სახეობა, მთიდან თხილამურებით დაშვება სპეციალურ, კარებმონიშნულ ტრასაზე. შეიცავს ხუთ დისციპლინას: სლალომს, გიგანტურ სლალომს, სუპერგიგანტურ სლალომს, სწრაფდაშვებას და კომბინაციას, ანუ ალპურ ორჭიდს.
- ▶ მსოფლიოს ჩემპიონატი იმართება 1931 წლიდან, მსოფლიოს თასის გათამაშება – 1966-იდან; ოლიმპიური თამაშების პროგრამაშია 1936-იდან.
- ▶ სამთო თხილამურობა, როგორც სპორტის სახეობა, ნორვეგიაში აღმოცენდა. ნორვეგიული წარმოშობისაა სიტყვა “სლალომიც” (“ჩამომავალი კვალი”, კვალი ფერდობზე). ნორვეგიელები ძველთაგანვე სლალომის ოსტატებად ითვლებოდნენ.

ფრისტაილი



- ▶ ფრისტაილი (ინგლ. freestyle, სიტყვასიტყვით თავისუფალი, ლაღი სტილი). სამთო-სათხილამურო მრავალჭიდი. შეიცავს სათხილამურო ბალეტს, საჰაერო-სათხილამურო აკრობატიკას და მოგულს.
- ▶ მსოფლიოს თასი თამაშდება 1978 წლიდან; მსოფლიოს ჩემპიონატი იმართება 1986-იდან; ოლიმპიური თამაშების პროგრამაშია: მოგული 1992-იდან, საჰაერო აკრობატიკა 1994-იდან.
- ▶ ახალ სახეობას მრავალი მიმდევარი გამოუჩნდა შვეიცარიაში, იტალიაში, გერმანიაში, საფრანგეთში, ავსტრიაში, აშშ-ში, კანადაში, ევროპისა და ამერიკის სხვა ქვეყნებში.

ფიგურული ციგურაობა



- ▶ ფიგურული ციგურაობა. ზამთრის სპორტის ერთ-ერთი ყველაზე პოპულარული და სანახაობრივად მიმზიდველი სახეობა. გამოირჩევა საინტერესო მხატვრული პროგრამით, ყინულზე სრიალის მრავალფეროვანი ტექნიკური ელემენტებით, ნახტომისა და ტრიალის კომბინაციებით.
- ▶ ევროპის ჩემპიონატი კაცთა შორის იმართება 1891 წლიდან, ქალთა შორის – 1930-იდან; მსოფლიოს ჩემპიონატი კაცთა შორის - 1896-იდან, ქალთა შორის – 1906-იდან; ოლიმპიური თამაშების პროგრამაშია: 1908-იდან (კაცები, ქალები.)

გმადლობთ ყურადღებისთვის!

